



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2156/13
Sarajevo, 8.10.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:	09.10.2013		
Organizaciona jedinica	Republička	Republika	Broj priloga
01-50-1-13	-	49	13

VL: 01-50-1-725/13

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 65. sjednici održanoj 8.10.2013. godine, utvrdilo je Odgovor na zastupničko pitanje koje je postavio Senad Šepić, zastupnik u Zastupničkom domu Parlamentarne skupštine Bosne i Hercegovine.

U pravitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2156/13
Sarajevo, 8.10.2013. godine

Senad Šepić, poslanik u Predstavničkom domu Parlamentarne skupštine Bosne i Hercegovine, na 49. sjednici Predstavničkog doma održanoj 8. jula 2013. godine, podnio je sljedeću poslaničku inicijativu:

„Predlažem da Vijeće ministara BiH pripremi i u parlamentarnu proceduru uputi Nacrt zakona o ravnomjernom razvoju BiH. Rok za dostavu 90 dana.“

Na predloženu inicijativu, Vijeće ministara Bosne i Hercegovine, je na 65. sjednici održanoj 8. 10. 2013. godine, utvrdilo sljedeći

ODGOVOR

Pitanje ravnomjernosti regionalnog razvoja je jedno od najvažnijih ekonomskih i socijalnih pitanja u svakoj zemlji. U zemljama članicama EU, kao i na nivou cijele evropske zajednice izdvajaju se značajna finansijska sredstva za ovu svrhu.

Članom 110. Sporazuma o stabilizaciji i pridruživanju (SSP) („Službeni glasnik BiH“, broj: 05/08), koji glasi: „Strane će nastojati jačati i razvijati regionalnu i lokalnu saradnju, s ciljem doprinošenja ekonomskom razvoju i smanjenju regionalnih neuravnoteženosti. Posebna pažnja biće posvećena prekograničnoj, transnacionalnoj i međuregionalnoj saradnji. U okviru saradnje posebno će se voditi računa o prioritetima pravne tečevine (acquisa) Zajednice u oblasti regionalnog razvoja“, obje ugovorne strane dogovorile su principe saradnje u oblasti regionalnog razvoja kao i obavezu preuzimanja *acquis communautaire* iz ove oblasti. U sprovedbi i realizaciji odredaba osnova člana 110 formiran je Pododbor za transport, energiju, okoliš i regionalni razvoj koji raspravlja pitanja napretka u ovoj oblasti. Glavni zaključci sa ovih pododborna, kao i redovnih godišnjih izvještaja Bosne i Hercegovine u procesu EU integracija jesu da Bosna i Hercegovina odredi statističke jedinice (prema NUTS klasifikaciji) kao i da donese Strategiju regionalnog razvoja na nivou Bosne i Hercegovine.

Vijeće ministara BiH je na 47. sjednici održanoj 25.04.2013. godine dalo saglasnost na tekst Prijedloga nomenklature statističkih teritorijalnih jedinica u Bosni i Hercegovini u skladu sa NUTS klasifikacijom uz zaduženje Agenciji za statistiku BiH da istu uputi u proceduru i konačnu provjeru i potvrdu od strane Eurostata.

Ukoliko odgovor Eurostata bude pozitivan, sljedeći korak u ispunjavanju odredaba iz člana 110. SSP, kao i preporuka Evropske komisije bio bi izrada Strategije regionalnog razvoja za BiH.

Ministarstvo spoljne trgovine i ekonomskih odnosa BiH je predmetnu poslaničku inicijativu uputilo na mišljenje nadležnim entitetskim institucijama od čega zavise i dalji koraci po ovoj inicijativi.



Broj: 01-50-2-13-56/13
Sarajevo, 17. 7.2013.

POSLANIKU
U POSLANIČKOM DOMU
PARLAMENTARNE SKUPŠTINE
BOSNE I HERCEGOVINE
- Senadu Šepiću -

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 22.07.2013

Organizaciona jedinica	Klasifikaciona oznaka	Redni broj	Broj priloga
01-50-1-15-49/13			

Predmet: Odgovor povodom poslaničkog pitanja postavljenog
Kolegiju Predstavničkog doma

Poštovani,

Kolegij Predstavničkog doma Parlamentarne skupštine BiH se na 56. sjednici, održanoj 17.7.2013., upoznao s Vašim poslaničkom pitanjem postavljenim na 49. sjednici Predstavničkog doma, održanoj 8. 7. 2013., koje glasi:

„Kada će Kolegij PDPSBiH postupiti prema svom zaključku i sazvati posebnu sjednicu posvećenu evropskom putu BiH i poziciji naše zemlje u procesu ispunjavanja uslova za podnošenje vjerodostojne aplikacije za početak pregovora o članstvu BiH u EU“;

U vezi s tim, želim Vas podsjetiti da je Kolegij Predstavničkog doma na 27. sjednici, održanoj 14.3.2012. donio Odluku o autentičnom tumačenju člana 156. Poslovnika Predstavničkog doma, u kojem je navedeno da „*Kolegij Doma nema status drugog subjekta propisan članom 156. stav (1) Poslovnika, s obzirom da je riječ o članovima Predstavničkog doma*“.

U prilogu Vam dostavljam Odluku Kolegija, broj: 01-50-2-13-27/12, od 14. 3. 2012., s obrazloženjem.

S poštovanjem,

Prilog: Odluka





22.03.2012

01-02-4-414/12

B

Na osnovu člana 20.h) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 33/06, 41/06, 81/06, 91/06, 91/07 i 87/09), Kolegij Predstavničkog doma Parlamentarne skupštine Bosne i Hercegovine, na 27. sjednici održanoj 14. 3. 2012. godine, donio je

ODLUKU

o tumačenju člana 156. Poslovnika Predstavničkog doma Parlamentarne skupštine Bosne i Hercegovine

Član 1.

Kolegij Doma nema status drugog subjekta propisan članom 156. stav (1) Poslovnika, s obzirom da je riječ o članovima Predstavničkog doma.

Član 2.

Ova odluka stupa na snagu narednog dana od dana donošenja.

Broj: 01-50-2-13-27/12

Datum: 14. 3. 2012.

kopija: svim poslanicima

PREDSJEDAVALJUĆI
PREDSTAVNIČKOG DOMA
dr. Milorad Živković

OBRAZLOŽENJE

Na sjednicama Predstavničkog doma Parlamentarne skupštine BiH u nekoliko navrata problematizirana je mogućnost postavljanja poslaničkih pitanja Kolegiju Predstavničkog doma, o čemu su davana različita tumačenja. S ciljem otklanjanja nedoumica, Kolegij Doma odlučio je da, u skladu s članom 20. h) Poslovnika Doma, da tumačenje spornih odredbi Poslovnika.

U Poglavlju VIII. Poslovnika Doma - Aktivnosti informiranja, u posebnom ODJELJKU A. Poslanička pitanja, članovima od 151. do 157. regulirano je sljedeće: postavljanje pitanja, podnošenje pitanja, usmeni odgovor, obrazloženje pitanja i odgađanje rasprave o pitanju, odgovor u pisanoj formi i pitanja drugim subjektima. Opća je odredba da: **„Poslanici mogu postavljati pitanja Vijeću ministara BiH ili bilo kojem njegovom članu, samostalnim upravama, zavodima i direkcijama. Pitanja se odnose na specifične činjenice, situacije ili dio informacije iz njihove nadležnosti“** (član 151. Poslovnika). Također, u članu 156. (Pitanja drugim subjektima) stav (1) jasno je propisano da: **„Poslanici mogu postavljati pitanja u vezi sa specifičnim činjenicama ili situacijama i drugim subjektima koji odgovore dostavljaju u pisanoj formi.“**

Pitanje autentičnog tumačenja člana 156. Poslovnika razmatrano je na 25. sjednici Kolegija Predstavničkog doma, održanoj 1.2.2012. Kolegij je zaključio da se do naredne sjednice pribave podaci o načinu reguliranja ovog pitanja u parlamentima susjednih zemalja – Srbije, Hrvatske i Slovenije. Istraživački sektor Zajedničke službe Sekretarijata Parlamentarne skupštine BiH zadužen je da pribavi podatke o tome da li i na koji način poslovnici o radu parlamenata ovih zemalja tretiraju mogućnost postavljanja poslaničkih pitanja kolegiju i predsjedavajućem doma, odnosno parlamenta. Također je zaključeno da će ovi podaci biti uzeti u obzir prilikom odlučivanja o autentičnom tumačenju člana 156. Poslovnika.

Istraživački sektor Zajedničke službe Sekretarijata Parlamentarne skupštine BiH je, 13.2.2012., dostavio tražene podatke iz kojih je vidljivo da poslovnici navedenih zemalja ne sadrže odredbe koje bi tretirale postavljanje poslaničkih pitanja predsjedniku parlamenta ili postavljanje „poslaničkih pitanja drugim subjektima“, u smislu člana 156. Poslovnika Predstavničkog doma.

Kolegij Predstavničkog doma je na 27. sjednici, održanoj 14. marta 2012., ponovo razmatrao pitanje autentičnog tumačenja člana 156. Poslovnika, pri čemu su uzeti u obzir i navedeni podaci, te je zauzeo konačan stav o ovom pitanju kako je i navedeno u Odluci.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2147/13
Sarajevo, 10.9.2013. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO:		12.09.2013	
Organizaciona jedinica	Klasifikaciona oznaka	Broj	Broj priloga
01-50-1-15-48/13			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupnička pitanja – dostavlja se

Vijeće ministara Bosne i Hercegovine, na 61. sjednici održanoj 29.8.2013. godine, utvrdilo je Odgovor na zastupnička pitanja koja je postavio Senad Šepić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša





**BOSNA I HERCEGOVINA
VIJEĆE MINISTARA**

Broj: 05-50-1-2147/13
Sarajevo, 29.8.2013. godine

SENAD ŠEPIĆ, poslanik u Predstavničkom domu Parlamentarne skupštine Bosne i Hercegovine, na 49. sjednici ovog Doma održanoj 08. jula 2013. godine, uputio je Vijeću ministara BiH odnosno Ministarstvu sigurnosti BiH sljedeća poslanička pitanja koja glase:

1. „Kakav je status malograničnih prijelaza sa Hrvatskom, nakon ulaska Hrvatske u EU od 01. jula 2013. godine?“

2. „Šta rade nadležne institucije BiH da osiguraju da malogranični prijelazi budu u funkciji i kada možemo očekivati da se ovi prijelazi otvore za građane?“

3. „Šta je sa izdavanjem pograničnih propusnica za pogranične stanovnike gdje postoje malogranični prijelazi i na kojim prijelazima je to već osigurano?“

Na postavljena pitanja, Vijeće ministara Bosne i Hercegovine je na 61. sjednici održanoj 29. 8. 2013. godine, utvrdilo sljedeći

ODGOVOR

1. Ugovorom između Bosne i Hercegovine i Republike Hrvatske o graničnim prijelazima, koji je potpisan u Briselu 19.06.2013. godine određeno je dvadeset (20) stalnih graničnih prijelaza za pogranični saobraćaj.

Od ukupnog broja (20) određenih graničnih prijelaza 16 je otvoreno za pogranični saobraćaj dok četiri granična prijelaza nisu u funkciji, a to su:

a) **Donji Svilaj – Svilaj (skelski) zatvoren** je od 12.03.2013. godine zbog nerentabilnosti. Prema raspoloživim informacijama trenutno je u proceduri pronalazenje zainteresiranog prijevoznika skelom.

b) **Plazikur – Gejkovac nije otvoren**, iako ovaj granični prijelaz posjeduje kompletnu dokumentaciju (građevinsku dozvolu, urbanističku saglasnost), kao i potpuno uređenu lokaciju.

c) Tržačka Raštela – Kordunski Ljeskovac nije otvoren, u ranijem periodu, zajedno sa lokalnom zajednicom, preduzete su sve potrebne aktivnosti i pribavljena kompletna dokumentacija uključujući građevinsku dozvolu i urbanističku saglasnost, urađen je dovod električne energije, vode i telefona. Izvršeno je i uređenje lokacije graničnog prijelaza, postavljen je odgovarajući kontejner, asfaltiran prijelaz, uređena pješaka staza i postavljena zaustavna rampa.

d) Vir – Cera, novi granični prijelaz za pogranični saobraćaj, nije u funkciji iz razloga što još nema konkretnih dogovora oko postavljanja kontejnera i uređenja lokacije sa obje strane državne granice.

2. Granična policija BiH preduzima sve neophodne mjere, u skladu sa svojim nadležnostima, kako bi opremila i otvorila četiri pomenuta granična prijelaza u skladu sa Pravilnikom o standardima i uvjetima izgrađenosti i opremljenosti graničnih prijelaza („Službeni glasnik BiH“, broj 06/10). Granična policija BiH je u najkraćem mogućem roku osigurala i stavila u funkciju 16 graničnih prijelaza za pogranični saobraćaj, te omogućila stanovništvu pograničnog područja nesmetan prelazak državne granice.

3. Režim prelaska u pograničnom saobraćaju je definiran Sporazumom između Bosne i Hercegovine i Republike Hrvatske o pograničnom saobraćaju. U skladu sa ovim propisom državna granica na graničnim prijelazima za pogranični saobraćaj može se isključivo prelaziti uz posjedovanje pograničnih propusnica. Granična policija BiH će izdavati pogranične propusnice stanovništvu pograničnog područja R.Hrvatske nakon što se osiguraju svi tehnički uvjeti, koji se odnose na opremu za zaprimanje zahtjeva za izdavanje pograničnih propusnica. Agencija za identifikaciona dokumenta, evidenciju i razmjenu podataka BiH zadužena je za nabavku pomenute opreme, te je nadležna za personalizaciju pograničnih propusnica. Također, potrebno je donijeti propis kojim će biti određen iznos naknade/takse koja će se naplaćivati za izdavanje pograničnih propusnica. Na osnovu starog Sporazuma o pograničnom prometu i saradnji Republika Hrvatska je izdala jedan broj pograničnih propusnica svojim državljanima (oko 9000) i trenutno svim nosiocima ovih pograničnih propusnica omogućeno je ovjeravanje u nadležnim jedinicama GP BiH, dok pogranično stanovništvo iz Bosne i Hercegovine nema propusnice jer ih nadležni organi BiH nisu izdavali.

Prema odredbama novog Sporazuma, stare (ovjerene) propusnice će važiti najviše godinu dana od trenutka kada BiH započne sa izdavanjem pograničnih propusnica po novom Sporazumu koje će Granična policija BiH, bez naknade, zamijeniti za nove pogranične propusnice, u skladu sa članom 15. stav (2) Sporazuma između Bosne i Hercegovine i Republike Hrvatske o pograničnom saobraćaju.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2145/13
Sarajevo, 10.9.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 12.09.2013			
Organizaciona jedinica	Klasifikaciona oznaka	Redni broj	Broj priloga
0150-1-15-49/13			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 61. sjednici održanoj 29.8.2013. godine, utvrdilo je Odgovor na zastupničko pitanje koje je postavio Senad Šepić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2145/13
Sarajevo, 29.8.2013. godine

Senad Šepić, poslanik u Predstavničkom domu Parlamentarne skupštine Bosne i Hercegovine, na 49. sjednici Predstavničkog doma održanog 08.07.2013. godine postavio je sljedeće poslaničko pitanje:

„Kada će Vijeće ministara BiH i druge nadležne institucije pripremiti i dostaviti Predstavničkom domu Parlamentarne skupštine BiH informaciju o trenutnoj poziciji BiH na evropskom putu i obavezama BiH u procesu podnošenja kredibilne aplikacije za otpočinjanje pregovora o članstvu BiH u EU?“

Na postavljeno pitanje, Vijeće ministara Bosne i Hercegovine je na 61. sjednici održanoj 29. 8. 2013. godine, utvrdilo sljedeći

ODGOVOR

Bosna i Hercegovina trenutno ima status potencijalnog kandidata za članstvo u Evropskoj uniji. Sljedeći korak pred BiH u procesu evropskih integracija je podnošenje zahtjeva za članstvo u EU. Na sastanku na visokom nivou koji je održan u Briselu 27. juna 2012. godine, politički predstavnici BiH i predstavnici EU su usaglasili *Mapu puta za ispunjavanje uslova potrebnih za podnošenje kredibilnog zahtjeva za članstvo*. Blagovremeno i dosljedno ispunjavanje Mape puta bi omogućilo da BiH podnese zahtjev za članstvo do kraja tekuće godine. Ovom Mapom puta je predviđeno da BiH treba da:

- Izmijeni Ustav BiH u skladu sa presudom u predmetu Sejdić i Finci protiv BiH do 30. novembra 2012. godine,
- Odgovori na Listu pitanja EU iz poglavlja 5 *acquis-a* – Javne nabavke i poglavlja 27 *acquis-a* - Okoliš do 31. oktobra 2012. godine i
- Definiše efikasan mehanizam koordinacije procesa evropskih integracija do 31. oktobra 2012. godine.

Direkcija za evropske integracije Vijeća ministara BiH je u saradnji sa nadležnim institucijama koordinisala pripremu odgovora na dvije liste pitanja. Odgovori na liste pitanja su dostavljeni Evropskoj komisiji u definisanom roku. U toku su aktivnosti koje vode organi zakonodavne i izvršne vlasti na rešavanju preostalih pitanja: implementaciji presude Sejdić i Finci protiv BiH i definisanju efikasnog mehanizma koordinacije procesa evropskih integracija. Vijeće ministara BiH je na 23. sjednici održanoj 16.10.2012. godine formiralo tim za izradu dokumenta Koordinacijskog mehanizma u procesu evropskih integracija. Tim je od tada održao više sastanak sa ciljem definisanja efikasnog mehanizma koordinacije i nastaviće svoj rad.

Nakon što budu ispunjeni ciljevi definisani u mapi puta od 27. juna 2012. godine, Bosna i Hercegovina će biti u mogućnosti da podnese kredibilan zahtjev za članstvo u

Evropskoj uniji. Nakon podnošenja zahtjeva, Vijeće Evropske unije bi trebalo da zaduži Evropsku komisiju da pripremi mišljenje o zahtjevu BiH. Pripremi ovog mišljenja prethodiće davanje odgovora od strane institucija BiH na upitnik Evropske komisije. Na osnovu odgovora i mišljenja, Evropska komisija može preporučiti dodjeljivanje kandidatskog statusa za BiH i otvaranje pregovora sa BiH o čemu odlučuje Vijeće Evropske unije.

Direkcija za evropske integracije Vijeća ministara BiH redovno dostavlja Parlamentarnoj skupštini BiH sve materijale o procesu evropskih integracije koje na njen prijedlog usvoji Vijeće ministara BiH. Takođe, predstavnici Direkcije za evropske integracije po pozivu učestvuju u radu Zajedničke komisije za evropske integracije Parlamentarne skupštine BiH.

Direkcija za evropske integracije Vijeća ministara BiH će pružiti punu podršku, u domenu svojih nadležnosti, održavanju sjednice domova Parlamentarne skupštine BiH o trenutnoj poziciji BiH u procesu evropskih integracija.